

INFORMACIJA SAR TE DEL LAV

**Avrikidňipen andro Evropejsko parlamentos pre la Čechikona republikakeri phuv
paraščovine andro d'ives 24. majos 2019 le 14.00 orendar dži 22.00 ori
sombatone andro d'ives 25. majos 2019 le 8.00 orendar dži 14.00 ori**

O voličis hin

- ✓ la Čechikona republikakero občanos, so choča andro d'ives 25. majos 2019 doresela 18 berš,
- ✓ o občanos le avre štatostar la Evropejskona Uňijatar, so choča andro d'ives 25. majos 2019 doresela 18 berš u hin jekhčineder le 10. aprilistar 2019 prihlašimen kijo permanentno abo prechodno bešiben pre la Čechikona republikakeri phuv.

O voličis šaj del lav, ča kana hin zapisimen andre le voličengero soznamos vaš o avrikidňipen andro Evropejsko Parlamentos u

- ✓ leskeri svoboda nane obmezimen vaš kada, hoj kempel te arakhel leskero sastipen
- ✓ leskero čačipen, kaj te kidel avri, nane obmezimen.

O hazdňipen predžal ča andro avrikidňipnaskere khera pre la Čechikona republikakeri phuv.**Sar pes presikhavel e identita**

O voličis mušinel andro avrikidňipnaskere kher presikhavel leskeri identita the leskero štatno themutňipen. O štatno themutno (občanos) la Čechikona republikakero kada kerel le platnone občanskone preukaziha, platnone dromengere, diplomatickone abo služebnone pasoha la Čechikona republikakero abo le dromengere preukaziha. o občanos le avre štatostar la Evropejskona Uňijatar kada kerela phenas peskere preukaziha, hoj šaj permanentnones bešel andre amaro them, peskere dromengere pasoha abo občanskone preukaziha.

Te o voličis na presikhavel leskeri identita the o štatno themutňiben (občanstvos), na ela leske domukhlo te del lav.**O avrikidňipnaskere kartki**

O avrikidňipnaskere kartki vaš o avrikidňipen hine demade vaš le subjetoske, so kandidinel, avrether (individualnones). Pre sažo avrikidňipnaskeri kartka hin o čislos le subjetoskero, so kandidinel, určimen le loseha. Na kempel, kaj o dodine avrikidňipnaskere kartki keren kompletno čiselnos šoros, kana varesavo kandidatsko řil na ačhila registrimen aňi vašoda, hoj o sudos prearakhkerđa avri kadi veca. Tiž o šoroskero čislos le kandidatoskero, so paš e registracia ačhila čuchindo, ačhel andre avrikidňipnaskeri kartka nazabešto.

E informacija pal o členstvos le kandidatengero andro politicka seri the politicka čalavibena hin pisimen pre avrikidňipnaskeri kartka čarňaripnaha; o soznamos le čarňaripnenca kerel kotor andre sada le avrikidňipnaskere kartkicendar.

O kandidatos mukhel leskeri kandidatura abo o kandidatos pes lel pale

Andro avrikidňipnaskero kher pes den angle o informaciji pak kada, hoj varesavo kandidatos mukhel leskeri kandidatura abo pal kada, hoj o kandidatos pes lel pale abo pal kada, hoj o kandidatos - občanos avre členskone štatostar andre Evropejsko Uňija našađa leskero čačipen, kaj te ačhel avrikidno. Kijo angľipnaskere lava d'ine vaš ajse kandidatoske pes na pridikhel.

Sar te del leskero lav sar voličis

O voličis resela la okrskovona avrikidňipnaskera komisijatar čuči uradno kopertka, so pre late hin e uradno pečatka. Te jov kada mangel, e komisija les tiž dela e sada le avrikidňipnaskere kartkicengeri.

La uradnona kopertkaha the le avrikidňipnaskere kartkicenca džala o voličis andro than, kaj pes prikeren o kartki. Adaj jov lel e avrikidňipnaskeri kartka ole kandidineskere subjetoskero, vaš saveske jov kempel te del lav.

Pre avrikidñipnaskeri kartka, so jov i'as avri, šaj o voličis del leskero preferenčno lav na buter sar duje kandidaten. Kada kerela kavka, hoj zakerekinel lengero šoroskero čislos. Te o voličis zakerekinel buter sar duje kandidaten, na pridikhel pes kijo ñisavo preferenčno lav.

Aver veci, so o voličis pisinela pre kartkica, na ovlivñinen, sar pes dikhela pre avrikidñipnaskeri kartkica. Pañis o voličis thovel kadi avrikidñipnaskeri kartkica andre uradno kopertka.

O voličis mušinel, kana thovel o avrikidñipnaskeri kartka andre uradno kopertka, te del pozoris, kaj te na kerel chiba u te na thovel andre uradno kopertka (phenas, hoj e kartkici hine lipinde jekhetane) buter avrikidñipnaskere kartki. Andre kada pripados le voličeskero lav nane platno, na mol.

Nalače hine tiž kajse kartkici, so nane pro kampefutno formularis, o avrikidñipnaskere kartkici, so hine čhingerde, the o kartkici, so nane thode andre uradno kopertka.

Sar te del lav andro avrikidñipen

Sako voličis del lav korkoro, ñiko aver na šaj te del lav vaš leske. O voličis hazdel avka, hoj jov thovel e uradno kopertka le avrikidñipnaskere ñifeha angle e okrskovo avrikidñipnaskeri komisija andre avrikidñipnaskeri baksica.

Le voličiha, so našti vašoda, hoj les hin teštoskeri chiba, kidel avri abo prikerel e avrikidñipnaskeri kartka abo našti genel abo lekhavel (pisinela), šaj ačhel andro than, kaj o avrikidñipnaskere kartkici pes prikeren, aver voličis, ale na členos la okrskovona avrikidñipnaskera komisijatar, ko prikerela e avrikidñipnaskeri kartkica vaš le voličiske u la thovela andre kopertka, eventualnones tiž thovela e uradno kopertka andre avrikidñipnaskeri baksica.

Le voličeske, so nane pisimen andro voličengero soznamos vaš o avrikidñipen andro Evropejsko parlamentos, e okrskovo avrikidñipnaskeri komisija na domukhela te del lav. Kada nane avka, te o voličis del peskero lav pro voličiskero preukazis, abo sikhavel o pa'ado ñil, hoj les čuchinde avri le zvlaštnone voličengere soznamostar, so les lidžal o zastupitelsko urados, abo o pa'ado ñil, hoj les čuchinde avri andal le voličengero soznamos vaš o avrikidñipen andro Evropejsko parlamentos, bo čerinda leskero permanento bešiben, u presikhavel leskero čačipen, kaj te del lav andro avrikidñipnaskero okrskos.

Sar te del lav pro voličeskero preukazis

Ten o voličis kidel avri pro-voličeskero preukazis, jov mušinel o preukazis te del pale la volebnona komisija. Pañis jov resela la komisijatar e čuči uradno kopertka, so pre late hin uradno pečatka the e kompletno sada le avrikidñipnaskere kartkicengeri. Le voličeskere preukaziha pes šaj del lav andro chočsavo avrikidñipnaskero okrskos.

Sar te del lav andre hordind'i avrikidñipnaskeri baksica

Le bare dovodendar, perše te hino nasvalo, šaj o voličis mangel le gaveskero foroskero urados the andro d'ives, kana ačhel o avrikidñipen, leskera avrikidñipnaskera komisija, kaj šaj te hazdel avrether le avrikidñipnaskere kherestar andre hordind'i avrikidñipnaskeri baksica. E okrskovo avrikidñipnaskeri komisija šaj bičhavel leskere členen la hordinda avrikidñipnaskera baksicaha ča andro lakero avrikidñipnaskero okrskos.

Informacija andro avrikidñipnaskero kher

Andro avrikidñipnaskero kher ela vaš le voličenge o avrikidñipnaskero zakonos čislos 62/2003 Sb., kaj les šaj te chasñaren, kada andre čečhiko, angliciko, francuziko the ñemciko čhib. Dureder šaj o voličis chasñarel the kadi informacija andre dojekh čhiba le členskone štatengere andre Evropejsko Uñija.

Vzorova avrikidñipnaskere kartki the e informacija pal o pripadna tiskova chibi pre avrikidñipnaskeri kartka hine publikimen andro avrikidñipnaskero kher.